

## ■ 靈帝期

長沙桓王、孫策、字伯符、吳郡富春人。世仕吳(孫堅伝注引吳書)、蓋孫武之後也。熹平元年、会稽妖賊許昌、起於句章、自称陽明皇帝、扇動諸郡、衆以萬數。父堅、以郡司馬、募召精勇、得千餘人、与州郡合討破之。刺史列上功状、詔書、除堅塩漬丞、數歲徙盱眙丞、又徙下邳丞(孫堅伝)。熹平四年、策生於下邳(孫策伝曰、建安五年卒、時年二十六)。初吳夫人孕而夢月入其懷、既而生策。後年及權在孕、又夢日入其懷、以告堅曰、昔妊策、夢月入我懷、今也又夢日入我懷、何也。堅曰、日月者陰陽之精、極貴之象、吾子孫其興乎(吳夫人伝注引搜神記)。中平元年、黄巾賊起、燔燒郡県、殺害長吏。漢遣中郎將朱儁將兵討擊之。儁表請堅為佐軍司馬、郷里少年随在下邳者皆願從。堅又募諸商旅及淮・泗精兵、合千許人、与儁并力奮擊(孫堅伝)。堅留家著寿春、策年十餘歲、已交結知名、声誉爨聞。有周瑜者、與策同年、亦英達夙成、聞策声聞、自舒来造焉。便推結分好、義同断金、勸策徙居舒、策從之(孫策伝注引江表伝)。收合士大夫、江淮間人咸向之(孫策伝)。四年(資治通鑑)、長沙賊区星、自称將軍、衆萬餘人、攻圍城邑。乃以堅為長沙太守。到郡、旬月之間、克破星。周朝等起於零桂、与星相応(孫堅伝)。廬江太守陸康從子作宜春長、為賊所攻、遣使求救於堅。堅整嚴救之。主簿進諫、堅答曰、太守無文德、以征伐為功、越界攻討、以全異国。以此獲罪、何慙海内乎。乃進兵往救、賊聞而走(孫堅伝注引吳録)。遂越境尋討、三郡肅然。漢朝録前後功、封堅烏程侯(孫堅伝)。

## ■ 初平元(二)年

五年、靈帝崩、董卓擅朝政。初平元年、堅挙義兵、到魯陽、与袁術相見。術表堅行破虜將軍、領豫州刺史。堅合戰於陽人、大破卓軍。二年、卓尋徙都、焚燒洛邑。堅乃前入至洛、脩諸陵、平塞卓所発掘(孫堅伝)、掃除漢宗廟、祠以太牢。堅軍城南甄官井上、旦有五色氣、挙軍驚怪、莫有敢汲。堅令人入井、探得漢伝国璽、

文曰、受命于天、既寿永昌(孫堅伝注、引吳書)。堅得神器、潜匿不言(孫堅伝、裴注)。是時、関東州郡務相兼併以自強大、袁紹・袁術亦自相離弑。術遣孫堅擊董卓未返、紹以会稽周昂為豫州刺史、襲奪堅城。堅歎曰、同举義兵、将救社稷、逆賊垂破而各若此、吾当誰与戮力乎。引兵擊昂、走之(孫堅伝注、引吳錄)。術結公孫瓚而紹連劉表、豪桀多附於紹。二年(依資治通鑑)、術使孫堅擊劉表、表遣其将黄祖逆戰。堅擊破之、遂困襄陽。堅乘勝夜追祖、祖部兵暗射堅、殺之(孫堅伝注、引典略)。時年三十七(孫堅伝注、引吳錄)。堅所举孝廉长沙桓階詣表堅喪、表義而許之(桓階伝)。策還葬曲阿(孫策伝、引魏書)、當嗣侯、讓與弟匡(孫策伝注、引魏書)。堅兄子賁率其士衆就袁術、術復表賁為豫州刺史。

### ■初平三年

三年、秋八月、詔太傅馬日磾杖節鎮撫関東(范書獻帝紀)。冬十月、荊州刺史劉表遣使貢獻。以表為鎮南將軍・荊州牧。是歲、揚州刺史汝南陳温卒、袁紹使袁遺領揚州、袁術擊破之。遺走至沛、為兵所殺。術以下邳陳瑀為揚州刺史(資治通鑑)。

### ■初平四年

四年春、劉表断術糧道、術引軍入陳留。曹操擊破之、術走九江(武帝紀)。揚州刺史陳瑀(資治通鑑)拒術不納。術退保陰陵、集兵於淮北、復進向寿春。瑀懼、走歸下邳、術遂領其州、兼称徐州伯(范書袁術伝)。車騎將軍李傕欲結術為援、以術為左將軍、假節。遣太傅馬日磾、因循行拜授。術奪日磾節、拘留不遣(陳志袁術伝)。

徐州治中東海王朗、及別駕琅邪趙昱説刺史陶謙曰、求諸侯莫如勤王、今天子越在西京、宜遣使奉貢。謙乃遣昱奉章至長安。詔拜謙徐州牧、加安東將軍。以昱為広陵太守、朗為会稽太守(王朗伝)。徐方百姓殷盛、穀实差豊、流民多歸之。而謙信用讒邪、疏遠忠直、刑政不治、由是徐州漸乱(范書陶謙伝)。汝南許劭避地広陵、謙礼之甚厚、劭告其徒曰、陶恭祖外慕声名、内非真正、待吾雖厚、

其勢必薄。遂去之。(范書許劭伝)

策已乃渡江、居江都。陶謙深忌策(孫策伝)。広陵張紘有母喪、策数詣紘曰、先君与袁氏共破董卓、功業未遂、卒為黃祖所害。策雖暗稚、竊有微志、欲從袁揚州求先君餘兵、為朝廷外藩。君以為何如。紘答曰、昔周道陵遲、齊晋並興。王室已寧、諸侯貢職。今君紹先侯之軌、有驍武之名、若投丹楊、收兵吳会、則荆揚可一、讐敵可報。拋長江、奮威德、誅除羣穢、匡輔漢室、功業侔於桓文、豈徒外藩而已哉。当与同好俱南濟也。策曰、一与君同符合契、有永固之分、今便行矣、以老母弱弟委付於君、策無復回顧之憂。(孫策伝注引吳歷)。

下邳闕宣宣自称天子、謙始与合從、後遂殺之而并其衆。(范書陶謙伝)。避難在琅邪、其子操迎之。陶謙別將、掩襲前太尉曹嵩於華費間、殺之。秋、操引兵擊謙、攻拔十餘城、至彭城。謙兵敗、走保郟。操攻之不能克、乃還。凡殺男女数十萬人、鷄犬無餘、泗水為之不流。(范書陶謙伝)。

## ■興平元年 つづく